

CATALOGVS
QVORVNDAM
e Societate IESV

QVI
PROFIDEVEL
Pietate sunt interfecti.

Ab Anno 1549. ad annū 1603.

Omnes qui p̄e viuerē volunt in Chri-
sto, persecutionem patientur.

2. Tim: 3.


Gaudete & exultate, quia merces ve-
stra copiosa est in cælis. Matt: 5.

et. 2. Camilla.

Superiorum Permissū.

CRACOVIAE
EX OFFICINA Nicolaj Lob.

M DC VI.



36. 137. I.

CATALOGVS
QVORVNDAME SO-
cietate IESV.

QVI
PRO FIDE, VEL PIE-
tate interfecti sunt.

Ab Añ: 1549. ad annũ 1603.

Anno Domini 1549.

PANTONIVS CRI-
MINALIS è Ducatu Par-
mensi, cum ad vada Rema-
naeoris in India Orientali
Christianos Neophyt^o à Ba-
dagarũ Christianæ Religionis odio ac-
censorum crudelitate vindicaret, & ad
Lusitanorũ naues fugientes de duceret,
ipse Barbarorum interuentu exclusus
à nauibus, ab iisdem hastis confossus,
& capite truncatus, mortem excepit in-
genua procumbens: quod ille quadra-
gies ferre quotidie cum iaculatoriis
precibus facitabat. Ribadeneira
lib: 3. Vitæ B. P. Ignarij Masseius

*Hist. Ind. lib. 14. Turcellinus lib. 4.
cap. 4. Vita B. Xaverij.*

2 P. NVNNIVS RIBEIRVS Lusitanus, dum in Amboino rem Christianam administrat, Maurorum insidiis frequenter appetitus, veneno denique sublatu est. *Rutilius Benzoni* Episcopus Lanretanus lib. 1 de Iubileo cap. 9. Ioannes Lucena lib. 5. cap. 2. Vita B. Xaverij.

3 ALOYSIVS MENDEZ Lusitanus in Comorinensi promontorio Indos Christi cognitione imbuens, ab impiis post accepta duo vulnera capite caesus est, in oratione pernoctans in templo. *Masse. in Comm. Ind. Serbo Solor. Bozius de signis Eccl. lib. 7. fig. 27.*

Anno 1554. Mense Novembri.

4 PETRVS CORREA Lusitanus vir nobilis, qui primus omnium Societatem in Brasilia ingressus est, quinto anno initæ Societatis cum Brasiliensium conversioni daret operam, proditus ab

inter-

interprete, cui concubinam detraxerat, à Carigis Barbaris sagittis cōfectus est. *Ribad. lib. 4. Vita B. P. Ignatij cap. 14. Mass. lib. 16. Hist. Ind. 5 IOANNES SOSA Lusitanus Correx comes ante cum ab iisdem hostibus confixus, flexis item genibus precibus insistent occubuit. Idem ibidem.*

Anno 1555. 18. Februarij.

6 P. EMMANVEL FERNANDEZ Lusitanus, cum primus è Societate in agro Translagano Diuini verbi semen spargit, publicæq; peccatorum licentiæ euellendæ maximè intentus pellices, amicasq; ab amatoribus, impudicisq; hominibus multas abigit id iniquo animo ferentibus, ab eorum vno, cuius nomen nunquam promere voluit, in itinere vulneribus multis, affectus Eboræ defunctus est. *Franc. Bencius in annuis Collegij Eborensis in Lusitania anno 1589. quò eius corpus ad Collegij templum ex ædē maxima translatum est.*

7 QUIDAM Societatis laicus Lusitanus socius P. Henriquez in Orientali India, cum Gentilibus doctrinam Christianam traderet, à Barbaris trucidatus est. *Ant. Quadros in litteris Venetiis Italice editis Rutilius loco sup. citato.*

8 P. ALPHONSVS A CASTRO Lusitanus, cum multum laboris in cōuertendis Barbaris in India Orientali posuisset, atq; vndecim ipsos annos sociis in Molucis præfuisset, anno 1558. ineunte, in Maurorum incidit manū: Ab iis detractis vestibus fune constrictus, per quinque dies raptatus est: Deinde viridi trunco, cui collum eius ceu iugo inferuerant, oppressus; demum multis confectus vulneribus in mare deturbatus. Terrio post die mortui corpus in littore inuentum est, multo lumine circumfufum, vulneribus recentibus, puroque sanguine manantibus. Sicarii eorumq; propinqui paucis diebus partim tormentorū globis, partim igne, quem S. Antonij vocant, periere.

Ribad.

*Ribad. de Vita Lainis lib. 2. cap. 1.
Thom. Bozius lib. 5. fig. 11.*

Anno 1561. 15. Martij.

9 P. CONSALVVS SILVEIRA Lusitanus, generis claritate in primis conspicuus, cum Regem Monomotapa Baptismo cum matre, & trecentis proceribus lustrasset, permotum aspectu Deiparæ, (quam secundum quietem quinque noctibus viderat quidem, sed quod Christianus non esset eius sermonem nō intellexerat) ab eodem deinde Rege, inēdaciis Minguamis Mahumetani Antistitis, aliorumq; trium onerato, mori iussus est. Eadem suam edoctus diuinitus, & prædixit amicis, & ad eam ardentissimis se precibus cōparauit. Demum à Barbaris strangulatus, & in Mosēgessem præterfluentem proiectus est, cum eodē die quinquaginta fecisset Christianos. *Mafferus epist. lib. 2. Iacobus Payua Andradinus lib. 1. orthod. expl. Surinus anno 1540.*

A 4

An-

CATALOGVS

Anno 1564. 18. Octobris.

10 P. PETRVS VENVSTVS Heluetius Collegij Biuonenfis in Sicilia Rector à Clerico, quem tum aliis beneficiis affecerat, tum frequenter aberrantem extra virtutis semitam monuerat, occisus est. Cum. n. ab Episcopi Vicario meritò coniectus esset in carcerem, rarus id etiā Rectori suasu factū esse, eum ex agro reuertētem domum, precumq; pensum persoluentem tribus in capite vulneribus confecit. Inuentus à prætereuntibus moribundus, sanctum IESV nomen inuocans, nomen percussoris nunquam edere voluit. Paucis ante diebus Sociis dixerat se optare Io. Baptistam mortis genere imitari. *Rel. de Vita Laimis lib. 3. cap. 12.*

Anno 1566. 24. Septembris.

11 P. PETRVS MARTINEZ Hispanus Aragonēsis ex Diocesi de Teruel à P. Francisco Borgia Philippi Regis Catholici rogatu cum aliis duobus sociis missus in Floridam Insulam, vbi terram simul attigit, vt Dei verbum,

euang-

CATALOGVS

euangeliumq; prædicaret, pro eo quod pridem optarat interiri, ictus caput peritica ab incolis: mox semiuuius in mare proiectus est. *Schottus lib. 3. Vita P. Franc. Borgia cap. 6.*

Anno 1568. 3. Februarij.

IN FLORIDA Insula à Ludouico Cacicha, id est viro Principe eius Insulæ, qui Baptismum in Hispania simulatè suscepit, seq; Patribus ducē obtulerat, per insidias circumuenti, obtruncatiq; sunt de Societate octo.

12 P. IOANNES BAPTISTA Segura Hispanus ceteris à P. Francisco Borgia præfectus morum probitate ei mire gratus.

13 P. LVDOVICVS QVIROS Hispanus.

14 GABRIEL COMES Hispanus.

15 PETRVS LINARES Hispanus.

16 SANCTIVS SAVALLIVS Hisp.

17 IOANNES BAPTISTA Médez Hispanus.

18 CHRISTOPHORVS ROTONDVS Hispanus.

19 GABRIEL DE SOLIS Hispa.
*Schoff. cap. 6. lib. 3. Vita P. Franc.
 Borgia.* Ex eorum interfectioribus tres
 cum eorum arculas scrutarentur, atque
 inuentam Crucifixi imaginem curiosi-
 sus intuerentur, exanimis ceciderunt
 humo afflicti, & mortui. *Ibidem.*

Anno 1567. Mense Novembri.

20 P. FRANCISCVS LOPEZ
 Lusitanus cum in India Orientali è na-
 ui puluere tormentario forte inflama-
 ta se demississet in mare, à piratis Mauris
 captus, & è naso capite Sacerdos agni-
 tus, sollicitatus ad fidei defectionem, &
 Mahumetis cultum, quòd se potius
 quoduis suppliij genus subiturum re-
 spondisset, confossus lancea ilijs mar-
 tyrium sanguine cõsummauit. *Mass.
 lib. 4. Epist. Schoffus lib. 3. cap. 6.
 Vita P. Franc. Borgia.*

21 DVOS Lusitanos Frãcisci Socios ab
 22 iisdem Mauris telis transuerberatos
 memorat. *Riba. lib. 1. Vita B. P.
 Ignatij cap. 19. Mass. lib. 4. Epist.*

Anno

Anno 1570. 15. Iulij.

TRIGINTA NOVE de Soci-
 etate in Oceano apud Palmam vnam è
 Fortunatis, cum in Brasiliam fidei no-
 stræ propagandæ causa proficiscerentur,
 à Iacobo Soria Calvinisticæ Hæreseos
 Pirata interfecti, ita clamante, *Interfi-
 ce; quoniam ad praua dogmata
 disseminanda Brasiliam petunt.*

23 P. IGNATIVS AZEBEDVS
 Lusitanus Prouincialis Præpositus, &
 totius missionis Superior, vt genere,
 ita & pietate illustris, dum suos horta-
 tur, additq; animos, fisso capite, tribus
 lanceis confossus, demum in mare de-
 turbatus est, cum Deiparæ imaginem,
 frustra eripere nitētibz Hæreticis, ma-
 nu teneret, mortales, Angelosq; testa-
 tus se pro Romanæ Ecclesiæ defensione
 moti.

24 P. BENEDICTVS CASTRIVS
 Lusitanus Christi Crucifixi imaginem
 complexus, tribus primum glandibus
 ictus, deinde ferro punctim casimque
 cõfossus, demum in mare deturbatus est.

25 E M-

25 EMMANVEL ALVARVS Lusitanus, primum in facie vulneratus, deinde tabulato affixus, contractis cruribus ossibus collisis in fluctus præceps datus est.

26 BLASIVS RIBEIRO Lusitanus, cui caput gladiatorum capulis elisum, cerebrumq; effusum est.

27 PETRVS FONSECA Lusitanus, cui os pugione confossum, & maxilla soluta est.

28 P. DIDACVS ANDRADA Lusitanus, qui aures dabat contentibus cum pugionibus confossum iaceretur in pelagus. *Fundamus (inquit) pro Christo sanguinem, qui pro nobis fudit suum.*

29 GREGORIUS SCRIBANVS &
30 ALVARVS MENDEZ Lusitani agri, cum latere possent, seminudilecto exsiliences vitro oblatis iugulis occubuerunt.

31 SIMON ACOSTA Lusitanus se Societatis IESV vitro professus cum pro tali non agnosceretur, iugulatus in
mare

mare proiectus est.

QVI sequitur, præter aliquos, plerique, omnes adolescentes bini aut terni ordine deinceps producti, talaribus tunicis exuti, adacto bis, terue singulis in viscera pugione, confossi quidam etiam manibus, brachiisque truncati in mare præcipites dau sunt.

32 FRANCISCVS ALVARVS COVILLIVS Lusitanus.

33 DOMINICVS FERDINANDVS Lusitanus.

34 ALPHONSVS VAENA Hispanus.

35 GONZALVS HENRICVS Lusitanus.

36 IOANNES FERDINANDVS Bracarensis Lusitanus.

37 IOANNES FERDINANDVS Olisiponenfis Lusitanus.

38 IOANNES MAYORCA Hispanus.

39 ALEXIVS BELGADVS Lusitanus.

40 LYDOVICVS CORREA Lusitanus.

41 EMMANVEL RODERICVS Lusitanus.

42 SIMON LOPEZ Lusitanus.

CATALOGVS

- 43 EMMANVEL FERNANDVS Lusitanus.
 44 PETRVS NVNNIVS Hispanus.
 45 FRANCISCVS MAGALANIVS Lusitanus.
 46 NICOLAVS DINYVS Lusitanus.
 47 GASPAR ALVARVS Lusitanus.
 48 ANTONIVS FERNANDVS Lusitanus.
 49 EMMANVEL PACIECVS Lusitanus.
 50 PETRVS FONTAVREVS Lusitanus.
 51 ANDREAS GONSALVVS Lusitanus.
 52 DIDACVS PEREZ Lusitanus.
 53 IOANNES BAEZA Hispanus.
 54 MARCVS CALDEIRA Lusitanus.
 55 ANTONIVS CORREA Lusitanus.
 56 FERDINANDVS SANCHEZ Hispanus.
 57 FRANCISCVS PEREZ GODOI Hispanus.
 58 IOANNES ZAVREVS Hispanus.
 59 IOANNES SANCTI MARTINI Hispanus.
 60 ANTONIVS SVAREZ Hispanus.
 61 STEPHANVS ZVRARA Hispanus.
 qui antequam iter ingrederetur prædi-

xit à

CATALOGVS

xit à Deo se certiore factum martyrium se manere. *Mass. in Append. epistol. ep. 1. quæ est Petri Diazj ad Leonem Henricum. Schot. lib. 3. cap. 10. Vita Borgia.*

62 NEQVE prætereundus Adolescens Lusitanus, qui cum his religiosus intersectus est: Vulgo SANCTVS IOANNES appellatus: Qui Societatis candidatus vehementer in eam adscribi optabat, ideoque à P. Ignatij Azebedi latere non discedebat. *Schot. ibidem.*

Anno 1571. partim 13. Septēbris. partim 14. Septembris.

DVODECIM Martyres, qui in eodem itinere Brasiliensi à Ioanne Cadouillio Caluiniano pro Christi religione, quam disseminatum ibant in Brasiliam, interempti sunt.

63 P. PETRVS DIAZ Sacerdos Lusitanus Superior horum, cum consenti aures præberet iugulatus est.

64 P. FRANCISCVS CASTRIVS Lusitanus, quod confidentem Nauar-

B 2

chum

CATALOGVS

chum audiret, ceratim ab omnibus, vulneribus punctim caesimq; petitus, occubuit.

65 GASPAR GOEZIVS Adolescentens Lusitanus, qui Diazij lateri hærebat, item iugulatus est.

66 MICHAEL ARAGONIVS Hispanus, accepto secundum brachij vulnere in altum deturbatus est.

67 FRANCISCVS PAVLVS Lusitanus cum superiore submersus est.

68 IOANNES ALVARVS &

69 PETRVS FERNANDVS Lusitani post multas iniurias proiecti in altum præcipientes illico merfi sunt.

QVINQVE qui sequuntur, pessime totam noctem habitati, cum in pelagus proiecti essent, vnum in locum congregati, Vale sibi dicentes, ac veniam inter se delictorum petentes, recitato symbolo tandem, præeunte in verba Alphonso, tum alia, tum illam orationem, *Tibi soli peccaui*, iterarunt, donec fluctibus haurirentur.

70 ALPHONSVS FERNANDVS

Lusi-

CATALOGVS

Lusitanus Philosophiæ in Brasilia professor designatus.

71 ANDREAS Pais Lusitanus.

72 PETRVS Diaz alter Lusitanus.

73 DIDACVS Carualius Lusitanus.

74 FERDINANDVS Aluarus Lusitanus. *Mass. App. ep. 2. quæ est Leonis Henrici ad socios Romam. Schor. lib. 3. cap. 11. Sita Borgia.*

Anno 1581.

75 P. GREGORIUS Fernandes &

76 P. GOMEZIVS Damaralli⁹ Lusitani apud Maluccum in India Orientali cum in Portu Zaensi confelsiones audirent, à Tais Christianorū hostibus interfecti sunt. *Ioannes Ant. Valtrinus in annuis India Orientalis.*

Anno 1581. 1. Decembris.

77 P. EDMVNDVS Campian⁹ Anglus Presbyter Societatis IESV, postquam complures annos summa cum laude Praga Latinos de rebus diuinis sermones habuisset, missus est in An-

B 3

gliam

gliam ad fidem Catholicam propagandam Anno Domini 1580. Vbi quoad per libertatem licuit, docendo, scribendoq; rem Catholicam mirifice promouit: atque inter alia aureum illum libellum edidit, qui inscribitur, *Rationes decē redditae Academicis, &c.* Verum post annum plus minus à falso quodam fratre proditus, ac triumphifspecie Londinum perductus, in carcere frequentibus, ac diuturnis vexatus est tormentis; ita tamen animo ac fidei zelo erectus, vt cum luxatos conuulsoq; artus commouere non posset, præcipuorum nihilominus ad se disputandi causa aduentantium hæreticorum imperum ita fregerit, vt nonnulli viri dignitate præcipui sint inde ad fidem conuerfi. Tandem vrgentibus Caluinistis, primus è Societate IESV Londini, vbi erat natus, præclaram Martyrij palmam adeptus est intestinis extractis. *Cardinalis Alanus in Vita, Concert. Angl. in ipsius Martyrio. Sand. de Schis. lib. 3. Episcopus Tirafon. lib.*

4. hist-

4. hist. cap. 33.

78 P. ALEXANDER Briantus Anglus post fauissima in carcere non semel tolerata tormenta, tertia vice (qua dolor solet esse grauissimus) emissum Societatem ingrediendi voto nullum eorum sensum habuit. mirabili constantia animi, orisq; suauitate, in ipso iuuentutis flore vna cum Campiano eodem die ac loco, eademq; de causa per idem mortis genus martyrij palmam adeptus, cum ante mortem admisus in Societatem fuisset Londini in Anglia. *Card. Alanus in Vita. Episcopus Tiraf. lib. 4. hist. Angl.*

Anno 1582. 30. Maij.

79 P. THOMAS Cottamus Anglus cum ex Societatis nouitatu Auinionensi ob aduersam valetudinem in Angliam anno Domini 1580. mitteretur, & in ipso portu in exploratorum manus incidisset, promissit fore vt se Londini Iudicibus Hæreticis vltro sisteret: quod cum libere præstintisset, martyrio ab eis ob religionis Catholicæ defensionem

B 4

onem

10

onem affectus est Londini. *Cardin-
Alanus in Vita. Episcopus Tiraso-
lib. 4. histor. Angl. cap. 23.*

Anno 1583. 15. Iulij.

QVINQVE Martyres, qui in Salserana Regione India, pago Coculino ab incolis Ethnicis, incensis ira, quod templa Deorum suorum diruta, & idola ludibrio habita esse à Christianis viderent dum de area ædificandi Christo templi deliberant, hortatu cuiusdam Arioli occisi sunt.

80 P. RYDOLPHVS Aquavina, Ioannis Hieronymi Ducis Hadrianorum filius, duorum Cardinaliũ IVLII, & OCTAVII germanus, R. P. CLAVDII Generalis Societatis IESV, ex fratre nepos, annos natus tres & triginta, quorum dimidiam partem in Societate exegerat. Tres annos apud Regem Mogorum, in magna vite asperitate vixerat: tantog; precandi studio, vt sæpe cum se primis tenebris coniecisset in preces, mane in eodem vestigio reperiretur; quo tempore tot ei affuebant

folatia,

folatia, cœlestesq; deliciae, vt tum demum se diceret ex animivivere sententia. Tanta erat apud omnes opinione Sanctitatis, vt vulgò ab Ethnicis Angelus vocaretur. Deniq; verò in Salsetanum agrum Rector designatus cum venisset, vnà cum comitibus suis deprehensus à Barbaris, mori maluit, quam equum, qui expeditus ei ab interprete suo offerebatur ad fugam, admittere. Ibi succisis ab hoste poplitibus primum procubuit in genua; deinde deducta suis manibus veste, duas plagas cervicibus accepit. ad has accessit quarta, quæ humerum à reliquo corpore penè discerpserit, & ad extremum iaculi vulnus in pectore.

81 P. PETRVS Berna Italus è Gallia Cisalpina trigessimum agebat annum, è quibus sex in Societate confecerat. Is auctor fuerat, vt aliquot fana in Salseta diruerentur; & vaccam quandam, quæ pro numine colebatur à Barbaris, interfecerat. & vas, in quo se ad Idoli honorem abluebant, eius intestinis conspurcarat. Quare ab iis vulneratus in occi-

B 5

pito.

pitio, traiecit etiam oculo, & aure gra-
uiter fauciata occisus est.

82 P. ALPHONSVS Paciecus Hi-
spanus ex per Illustri familia de Minaya
annorum 33. cui cum Barbari lanceam
adegissent in pectus, extensis in crucis
figuram manibus, oculisq; sublatis in
coeli alteri vulneri sese obtulit; quod
cum iugulo accepisset, exanimis con-
cidit.

83 P. ANTONIVS Franciscus Lu-
sitanus annum agebat trigessimum, in
Societate circiter duodecimum, cum
reliquis tum in capite, tum in reliquo
corpore vulneratus à Barbaris, Marty-
rum cruciatus expertus est; quod ut
Christi causa liceret, ab ipso, cum sa-
crificaret, enixè quotidie contendebat.

84 FRANCISCVS Aranea Lusita-
nus Gasparis Goensis Archiepiscopi
nepos, annos duodetriginta natus de-
cennium in Societate vixerat. Is post
Rudolphū accepto in ceruicibus vul-
nere, lateraq; hastili transfixus, in ve-
pres se abdidit; confectis vero iam
cateris à muliere pastorina indicatus,

ab

ab vniuersa multitudine circum Ido-
lum raptatus est; sed cum illi supplica-
re recusaret, innumerabili telorum co-
pia confixus est, tanto furore omnium,
ut pueri etiam, ac puellæ arundines, ac
veruta eius sanguine madefacta vnà
cum reliquo occisorū cruore suis ido-
lis consecrarent, ipsaq; illo inungerent.

*Nicolaus Orlandinus in litteris an-
nuis India Orient. ex litteris P. Ale-
xandri Valignani Prouinc. Propo-
siti, & aliorum. Thomas Bozjuss
lib. 7. signo 27. Franc. Bencius in 5
Martyribus.*

Anno 1593. 8. Februarij.

85 P. IACOBVS Saleius trigessimū
septimum agebat annum ætatis, in ita
vero Societatis vigessimum, vir non
modo Latinis, Græcis, Hebraicis, Chal-
dais, sed Philosophia etiam & Theolo-
gia egregie instructus: Eximia erat in
sacram Eucharistiam pietate & marty-
rij cupiditate: qua intentus datis Ro-
mam litteris Indicam professionem
expetierat; sed ei, quam querebat pal-

ma

ma in ipsa Gallia obtigit, Albenaco à Chiambando Caluiniano per proditi-
onem occupato. Igitur datus cum So-
cio GVILIELMO SALTHAMO-
CHIO prada tribus ministris Calui-
nianis, cum illi disputatione, quæ for-
te obusculum è carne, quod Sabbatho
oblatum Salesius reiecerat, nata erat,
succumberent, ab vno eorum commota
multitudo illos ad eadem postulauit.
Ibi Salesius suis hostibus veniam oràs,
primum sclopo secundum humerum
appetit, ac deinde IESVM ingemi-
nans ferro confoditur.

86 GVILIELMVS Salthamochius
patria Aruernus annos octo & viginti
natus, è quibus duodecim Societari
dederat, morientem complexus Sa-
lesium, obtestatusq; ne se martyrij ex-
perem defereret, ab iisdem, pugionibus
confixus, brachijs ad pectus in crucis
modum conformatis extinctus est.

*Horat. Tursell. in annuis. Pro-
Lugdun.*

Anno 1594.

87 P. IOANNES Cornelius Anglus

con-

concionandi laude celebris, Dorcestria
in Anglia pro fide Catholica suspensus,
ac sectus intestinis extractis. *Episco-
pus Tirason. lib. 5. histor. Angl.
cap. 4.*

Anno 1594. 12. Iulij.

88 P. CONSALVVS de Tapia Hi-
spanus, dum viliter in salute Indorum
procuranda occupatur, in Sinaloa Me-
xici Prorincia Ethnici hominis Dou-
ropæi opera extinctus. Is odio Christi-
anæ fidei, quam suis ritibus, vitisq;
aduersam videbat, quatuor inducit In-
dos ad necem Consaluo inferendam;
ratus eo mortuo Christianam simul fi-
dem interituram. Captato Indi tempo-
re sub vesperam Consaluum, cum se in
cubiculum recepisset, ac Beatissimæ
Virginis coronam recitasset, aggredi-
untur, caputq; eius & brachium fini-
strum abscindunt: brachium quoque
dextrum, cuius in manu duos digitos
crucis in modum conformatos habe-
bat, conati abscindere, non potuerunt.
Postero die inuentum est à Christianis
corpus, versò in terram pectore; eoque

C

brachio

brachio, quod recidi nequieverat, quasi ad tum etiam sustinendum crucis vexillum è terra sublato. *Ex litteris Mexicanis.*

Anno 1595. 3. Martij.

89 P. ROBERTVS Southuellus Anglus, cum plurimum concionando in Patria profecisset, multisq; vtilissimis conscriptis libris, ab Hæreticis tandem comprehensus, post diuturnos carceris squallores, ac sæua sæpius reperta tormenta Londini pro Catholica fide eodem quo alij Martyrij genere occubuit. *Episc. Tirafon. lib. 5. Hist. Angl.*

Anno 1595. 17. Aprilis,

90 P. HENRICVS Vualpolus Anglus equuleum, aliaque id genus tormenta non minus quam quatuordecim vicibus incredibili animi cōstantia Londini peressus, Eboracj deinde, vbi fuerat comprehensus, non acceptata comodissima è carcere elabendi occasione, quam avidissimè illi obtrudebant nobiles quidam & Catholici amici,

amici, pro Catholica fide fuit suspensus, gladioq; sectus intestinis extractis. *Ex hist. Episc. Tirafon. lib. 5. hist. Angl.*

Anno 1595.

91 P. ABRAHAMVS Georgius Maronita in aditu Regni Abalsinorum in Aethiopia captus à Turcis, cum Mahumerem detestatus se Christianū esse profiteretur, eamque regionem esse ingressum, Vt quotquot posset ad Christū adduceret, in suu præfecti in oppido Delec insulæ Mazux obtruncatus est. Fama est carnificem vt eum capite plecteret immissum primo ictu gladium fregisse, Patre illaeso manente: mox alio gladio allato cum bis carnifex percussisset, iterum gladium fractum, paruo quodam signo ceruicibus impresso: Terio demum gladio ipsum succubuisse. In loco, quo sepultus est, tres aues albas rare magnitudinis & speciei ignota per quadraginta dies comparuisse; quo toto tempore eodem loco vespertinis horis quasdam quasi lucernas conspectas esse concurrentibus visendi

studio Masluensibus. *Exlitteris Indicis P. Nicolai Pimenta, & ex aliis manuscriptis alterius Patris.*

Anno 1597. 5. Februarij.

92 IACOBVS Ghisai Iaponius Societatis IESV coadiutor.

93 PAVLVS Michi Iaponius. aetatis tertium, & trigesium, inita Societatis vndecimum agens annum, concionator inter suos singularis, et si Laicus.

94 IOANNES Goto annorum novemdecim adolescens nuper in Societatem acceptus. HI TRES cum viginti tribus aliis iussu Taicosamæ Iaponiorum tyranni, post diuturnum carcerem, sinistramque aurem præcisam, adhi sunt in crucem, ac postremum transuersis lanceis confixi. *Ex litteris Iaponicis impressis Romæ.*

Anno 1598: 30. Sept.

95 P. MARTINVS Laterna Polonus apud Stephanum I. & Sigismundum III. Polonorum Reges concionatoris munere functus, naui qua cum

Catho-

Catholicis in mari Balthico vehabatur, ab Suecis hæreticis, dum Catholicos ad Religionis constantiam adhortatur, in mare demergitur. *Ex litteris Polonicis.* Non multo post pio cuidam viro captiuo apud Tartaros, & vinculis constricto luce mira circumfusus apparuit, rogauitque, num liber fieri vellet? Qui cum affirmasset, vinculis sua sponte solutis, ingenti sane miraculo repente in campo Russiæ adfuit, quinquaginta circiter leucis à Tartarorum castris ubi victus fuerat, dissito. Quam rem ipsemet Romam pietatis ergo profectus, confessario suo P. Matthæo Pakost, S. Petri Pœnitentiario, non semel sanctè, & constanter narrauit, assensueruntque.

Anno 1601. 27. Februarij.

96 P. ROGERVS Filcoeus Anglus Londini pro fide Catholica suspensus ac sectus, intestinis extractis: *Ex Relatione ex Anglia missa.*

Anno 1602. 29. Aprilis.

97 P. FRANCISCVS Pagæus Anglus Londini pro fide Catholica eodẽ

C 3

mortis

mortis genere quo prior sublatuſ, quã
vterq; inſigni animi cõſtantiã pertulit.
Ex litteris Sacerdotis ex Anglia.

Anno 1602. Ultima Octobris.

98 DOMINICVS Collinuſ ex Hiber-
nia, Coadiutor temporalis, cum ante-
quam religionem ingrederetur ſub Du-
ce Mercurio egregiuſ fuiſſet ductor ex-
ercituſ, conantibuſ deinde Hæreticis
adducere vt in bello, quod contra Ca-
tholicos gerebant, copiarum partem
regeret, cõſtantiſſimè reſcuſauit, eam-
que ob cauſam ab illiſ poſt diuturnum
carcerem Corchæ in Hibernia ſuſpen-
ſuſ eſt.

Anno 1603.

99 EMMANVEL Niger Italuſ, qui
Collegij Claudiopolitani ſacrario &
valetudinario præerat, cum eam urbem
Moyleſ Zagkl Caluiniannuſ Turciciſ
armis occupaffet, atque hanc naſci oc-
caſionem furioſi Ariani à magiſtriſ im-
pietatiſ ſuæ incitati, in templum Soci-
etatiſ IEſV impetum facerent, & hor-
rendaſ contumeliaſ rebus ſacriſ infer-
tent,

rent, vnusque præter ceteroſ impiuſ
aurifex Sanctiſſimuſ Euchariftiæ ſa-
cramentum pedibuſ conculcaret, &
~~blatantem in eum~~ Emanuel, ſecuri
primum in capite ſauciatuſ eſt, deinde
ſciſſo traiectuſ pro fide Catholica oc-
cubuit *Ex litteris P. Ioan. Argent.
Rectoriſ Claudiopolitani.*

OMNES QUI PIE
vivere volunt in Chriſto
perſecutionẽ patientur.

2. Tim. 3.

*Sed n̄ maximè qui Saluti proxi-
morũ promouenda ex animo
incumbunt.*

Matt. 5. A. Beati qui perſecutio-
nem patiuntur propter iuſtitiam quo-
niam ipſorum eſt regnum cælorum.

Beati eſtiſ cum maledixerint vobiſ
homineſ & perſecuti vof fuerint, & di-
xerint omne malũ aduerſum vof men-

tientes propter me. Gaudete & exultate, quoniam merces vestra copiosa est in celis. Sic enim persecuti sunt Prophetas, qui fuerunt ante vos.

Matt: 10. C. Ecce ego mitto vos sicut oues in medio luporum. Estote ergo prudentes sicut serpentes & simplices sicut columbæ. Cauete autem ab hominib⁹. Tradent enim vos in conciliis & in synagogis suis flagellabunt vos & ad praesides & ad reges ducemini propter me, & in testimonium illis & gentibus.

Et mox: Tradet autem frater fratrem in mortem & pater filium & insurgent filij in parentes & morte eos afficient, & eritis odio omnibus hominibus propter nomen meum. Qui autem perseverauerit usque in finem hic saluus erit.

Et iterum: Non est discipulus super magistrum, nec seruus super dominum suum &c. Si pater familias Beelzebub vocauerunt quanto magis domesticos eius?

Luca 21. C. Sed ante hæc omnia iniicient vobis manus suas, & persequentur tradentes in synagogas & custodias

studias trahentes ad reges & praesides propter nomen meum.

Et: Trademini autem a parentibus & fratribus & cognatis & amicis & morte afficient ex vobis. Et eritis odio omnibus propter nomen meum & capillus de capite vestro non peribit. In patientia vestra possidebitis animas vestras.

Ioan: 15. C. Si mundus vos odit, scitote quia me priore vobis odio habuit. Si de mundo fuissetis, mundus quod suum erat diligeret: Quia verò de mundo non estis, sed ego elegi vos de mundo, propterea odit vos mundus. Mementote sermonis mei quem ego dixi vobis: non est seruus maior domino suo. Si me persecuti sunt & vos persequentur. Si sermonem meum seruauerunt & vestrum seruabunt. Sed hæc omnia facient vobis propter nomen meum &c.

Ioan: 16. A. Hæc locutus sum vobis ut non scandalizemini. Absque synagogis facient vos: sed venit hora ut omnis qui interfecit vos arbitretur se obsequium prestare Deo.

CATALOGVS

Et. Amen Amen dico vobis, quia plorabitis & flebitis vos, mundus autē gaudebit, vos verō contristabimini. sed tristitia vestra vertetur in gaudium.

NOTA Sic prädictum à Christo, sic omnibus postmodum sanctis factum. Testatur id historia Ecclesiastica ònes, & maxime Acta Apostolorum.

Act. 5. In carcerem primū coniciuntur Petrus & Ioannes, inde & virgis bene caduntur. Act. 6. D. Falsis testimoniis accusatur Stephanus: & Act. 7. G. Lapidibus ad mortē vsq; multatur. Act. 8. A. Facta est persecutio magna in Ecclesiā quærat Hierosolymis & ònes Christiani dispersi fuere, in exilium scilicet acti tot milliū (qui Act. 2. crediderunt) præter Apostolos. Act. 9. A. Saulus spirans minarum & cadis in discipulos cum literis Magistratus circūcursitat vt omnes fideles vndiq; victos perducatur in Ierusalē. Act. 12. A. Occiditur Iacob^o gladio, & apprehenditur atq; etiam in carcerē mittitur etiam Petrus, vt paulo post gladio & ipse feriat.

Idē Paul^o 2. Cor. 11. F. in 1. Cor. 4. C. Idē ad Eph. 3. 2. Tim. 1. C. vidend. loc^o.

Merito

CATALOGVS

MERITO PATIENTER
omnia ferenda pro Christo.

Maxime iis q̄ lucrandis Deo animabus operam nauant.

Luc. 6. C. Beati qui nunc fletis quia ridebitis. Beati eritis cum vos oderint homines & cum separauerint vos, & exprobrauerint, & elecerint nomen vestrum tanquam malum propter filiū hominis. Gaudete in illa die & exultate. Ecce enim merces vestra, multa est in celo. Omne gaudium existimate fratres, cum in tentationes varias incideritis. Scientes quod probatio fidei patientiam operatur.

Et maxime: Beatus vir qui suffert tentationem, quoniam cum probatus fuerit accipiet coronam vitæ quam re promissit Deus diligentibus se.

Rom. 5. A. Gloriamur in spe gloriæ filiorum Dei. Non solum autē sed & gloriamur in tribulationibus; Scientes quod tribulatio patientiā operatur patientia autem probationē probatio vero spem spes autem non confundit.

quia

CATALOGVS

quia charitas Dei diffusa est in cordib⁹
nostris. per spiritum sanctum qui datus
est nobis.

Gal. 6. D. Mihi autem absit gloriari
nisi in cruce domini nostri Iesu Christi
per quem mihi mundus crucifixus est,
& ego mundo.

Act. 5. G. Ibant Apostoli. (virgis
bene cassi) gaudentes à conspectu con-
cilij quoniā digni habiti sunt pro no-
mine Iesu contumeliam pati.

Hebr. 12. A. Ideoq; & nos, tantam
habentes impositā nubē testiū: depo-
nentes omne pondus & circūstans nos
peccatum per patientiam curramus ad
propositum nobis certamen, aspiciētes
in authorē fidei, & consummatorē Iesū,
qui pposito sibi gaudio, sustinuita cru-
cē confusione contēpta atq; in dextera
sedis Dei sedet. Recogitate eum, qui ta-
lem sustinuit à peccatoribus adversum
semetipsum contradictionem, vt ne fa-
tigemini, animis vestris deficientes.

Non enim vsq; ad sanguinē re-
stititis, adversus peccatum
reougnantes.

FINIS

